

الاشك المسلمين

۲ تشرين اول ۱۳۳۴

چهارشنبه

۱۸ ذی الحجه ۱۳۳۶

نسخه سی
۱۰۰ پاره

دعوت واجابت امتلینہ تلقیناتہ و اهل قبلہ نك : تعارف ،
تعاون و اتحادینہ خادم ، حکمت تشریعین باحث ،
شئون اسلامیہ یی ناشرهفته لق اسلام تورك جریده سیدر

صای
۸

مندرجات

شیخ احمد حمادی
مرشد
صفوت
ح . ف
ك . رشدی

لدنیات فرقانیہ
دیانت حقہ و مدنیت حقیقہ
حضرت علم
بایرام واعظمی
توفیق فکرت

لتسكن و منبكم امة يدعون الى الخير و يامرون
المعروف و ينهون عن المنكر و اولئك هم المفلحون

اشك

المسلمين

صاحبى ياندرمهلى

احمد حلمى

تاريخ تأسيسى :

غرة رمضان

١٣٣٦

مسلكه موافق مختصر

ومفيد يازيلر قبول

اولنور .

درج اولميان يازيلر

اعاده ايدلمز .

پوسته قوطيسى :

نومرو ١٣٩

مدير مسئول

حسن كاظم

اداره خانه :

دار الخلافه العليه

باب على ابوالسعود

جاده سى : نومروه ٧٥

نسخه لى آتونه سى :

توركيا

ايجون ١٢٠

خارج ١٣٠

ايجون

نومرو

٢ تشرين اول ١٣٣٤

چهارشنبه

١٨ ذى الحجه ١٣٣٦

صاى

٨

دعوت واجابت امتلرينه تلقيناته و اهل قبله نك : تعارف ،
تعاون و اتحادينه خادم ، حكمت تشريعدن باحث ،
شتون اسلاميه بى ناشرهفته لى اسلام تورك جريده سيدر

نسخه سى

١٠٠ باره

عظمتی خردل حکمنده برافه جق قدر نامتناهی تجلیات لایحصاصندن بیلیر، کورور و بولورسک .

ایشته اووقت روح الارواح انسانیت واسلامیت اولان بی اکمل و اجل [صلی الله علیه و سلم] : (تَخْلُقُوا بِاخْلَاقِ اللَّهِ وَاتَّقُوا بِصِفَاتِ اللَّهِ) صل . . . زمزمه جبروتیسنده کی نوای معنا کانون صدر کده رماد غفلتله اورتولو سوز عشق ازلیتی اوفلر، اویندیرر . و اوحرارت مودت و معرفتله قاینايان خون حیاتک کوزلر کدن قطر ایدرک زمین هجران و خسراتی ریان ایلر . لکن او آن مودت و انسانیتده جناب شیر ایزدک شو :

أَنْزَ عَمَّ أَنْكَ جَرْمٌ صَغِيرٌ

وَفِيكَ انْطَوَى الْعَالَمُ الْأَكْبَرُ [۱]

بیت ولایتبیانی اونوقمه وایی بیلدک :

سَنَکْ جَرْمٌ اصْغَرُکْ بَوَکَاثَاتْ لَا تَنْهَاهِيهْ عِنْدَنْدَهْ نَهْ اِنْسَهْ بَوَکَاثَاتْ لَا تَنْهَاهِيهْده
سَنَکْ حَقِيقَتْ اِنْسَانِيَهْکْ عِنْدَنْدَهْ اودر . مابعدی وار

اطه پازاری : شیخ احمد حمدی

یدنجی صابیدن مابعد :

دیانت حقه و مدنیت حقیقه

دردنجیی مسلك اختراعدرکه توضیحی بوجه آتیدر :

متشابه الاجزا اولان ماده دن یعنی عین ماهیتده بولنان اجزاء مادیه دن بر چوق عناصر مختلفه نك وجوده کلسی بر اثر اختراع و بر ابداعدر . بویکیفیتی اجزاء ماده نك اختلاف و تعلیقینه حل ایتک باطلدر . زیرا اختلاف وضعک ، اختلاف

[۱] مأل لندنیسی : سنن کنندیکی ظاهرده بر جرم صغیر و ذره ناچیر و حقیر کوروبده حقیقتکی بوندن عبارتیمی صانیرسک ، سَنَکْ حَقِيقَتْکْ ، سَنَی ، سَنَکْ جَرْمٌ صَغِيرٌ کوسترن عوالم لاینفاهیه بی بر ذره موهمه صیغدیران کبر یادرکه ینه سنده = سَنَکْ اوجرم صغیر کده منظوی و منجلیدر .

پهلوان صمدانی، جناب اسدالله علی [کرم الله وجهه] نك بویملرنده کی انطوای کبرایی آیری بر مبحث مناسبده یازده جغز [حقیقت نقطه ده ، دها اطرافلی و مثالله اکلایله جقدر .]

ماهیتی اقتضا یتیمه جکی بدیهیدر . بونکه برابر اختلاف وضعده آریجه بر اثر اختراعدر .

معلومدرکه اجسام مرتبه برچوق عناصر مختلفه دن تشکل یتشددر . حالبوکه بو عنصرلر عین ماهیتک افراد واجزاسیدر . بناء علیه بونلر آراسنده حسب الماهیه اصلا اختلاف یوقدر . جمله سی ؛ [ماده] دنیلان شیتک اقسامندن عبارتدر . اساساً بونلر ماهیت واحده نك اقسامی اولدقلری حالفه یكدیكره نسبتله حقیقت وماهیتلری بالکلیه بشقهدر . اکر او یله اولسه ایدی اجسام تنوع ایده مندی ، کاشانده انجق برنوع جسم بولنوردی . حالبوکه بو عالمه ماهیتلری یكدیكره مخالف لایعد ولایحیی اجسام موجوددر . وه برینه مخصوص نیجه آثار و احکام ترتب یتمکدهدر .

برکره اجسام جمادییه نظر تدقیقندن کچیره لم و بونلردن اجسام علوییه نظر اعتباره آلام :

بونلرک جمله سی عین ماده دن ترکیب یتدیکی حاله ه برینک کندینه مخصوص برهوتی ، بروضعیتی ، بر مقدار معینی وبر وقت معلومی واردر . یكدیكره نسبتله بعضلری پك كوچك ، بعضلری پك بیو کدر . حتی اوقدر بیو کدرکه کره ارضک آنلره نسبتی برقوم دانه سنک بیو ک برطاغه نسبتی کییدر . بونلردن ه بری کندیی مدارنده کمال انتظامله دور ایدیسور .

بواجرامک هیچ برنده سکونت کورولمیسور ه بری کندینه مخصوص برحرکتله فضاده دولاشیسور . حتی شمیدیکی هیئتونک کشفلرینه کوره شمس بیله ثانیه ده سکیز کیلو مترو برسرعتله توابعیله برابر (هرکول) برجنه طوضی ایلریله مکدهدر . بعض کواکبک کونی وسنه سی بزمنکندن دها قیصه وبعض سنک دها اوزونددر . (رحل) ک برسنه سی بزم سنه لرک یکریمی طقوزینه مساویدر . (اورانوس) ک برسنه سی بزم سنه لرک یتش دودی قدردر . (نپتون) ک برسنه سی بزم سنه لرک یوز آلتش دردینه معادلدر . حالبوکه (عطارد) ک برسنه سی بزم سنه مزک ربعی قدردر . برقسمنک حرارتی یوقدر . برقسمنک حرارتی ایسه پك شدتکیدر . حتی شمسک حرارتی جمع ایدلسه کره ارضک تخمیناً اون بیک ایکی یوز کیلو مترو تخننده اولان قشرینی برکونده اریتمک کفایت ایدر . بوحرارت شدیدنه ک ایکی میلیار

او چیوز سکسان بر میلیوتده بر جزئی بزه واصل اولیور و بوضورتله روی زمینده حیات حصوله کالیور .

ارضك شمسدن اولان بعد و مسافه سی یوز قرق طقوز میلیون کیلومترودر . عوالم سائرده دخی عین احوالك جریان ایتدیکی استدلال ایدیور .

صكره بركرده اجسام ذی حیاتی نظر اعتباره آلام : بو اجسامك جمله سی برطاقم معدنی شیلردن تركب ایدیور . بونلرك اجزای اصلیه سنی معدنیات تشكیل ایلهور . آزوت ، قاربون ، مولدالماء كبی شبه معدنی اولان شیلردن نباتات ، حیوانات حاصل اولیور . حالبوكه اویله معدنی اولان شیلرله حیات آراسنده وهله علم ، اراده ، قدرت ، سمع ، بصر و سائر كبی صفات عالیه میانشده اصلا مناسب یوقدر . بونك ایچوندركه برعرب حكیمی :

[« الذی حارت البریه حیوان مستحدث من جاد » = بتون انسانلری حیرنده براقان شی جامودن حیوان جنسك حصوله کلسیدر] دیمشدر .

ایشته بونلرك جمله سی هب ابداعات و اختراعات قیلدنددر . شمدی بحثی خلاصه ایدلم :

بتون عوالم ؛ اجزای اصلیه سیله ، اجرام هلویه و سفلیه سیله ، معدنیات ، نباتات و حیواناتیله عد و احصادن خارج نیجه احوال بدیهه و عجیبه نی محتویدر . بونجه بدایی حاوی اولان شیلر ایسه برمدهك ابداعی و برمخترعك اختراعیه در . او مبدع ایسه واجب الوجوددر . زیرا بوقدر آثار بدیهیه مبدأ اولان شیتك ممكنات جمله سندن اوله میه جنی مسالك سالفه ده ذكر ایدیلن ادله ایله مثبتدر .

صوك

مرشد



(حضرت علم)

اختلاف اهل مذهب از برای جنتست

بهر میراثست ابن جنك برادر هابهم

حتی تملك حقنده بالجمله اهل مذهب یشنده کی اختلاف طبقی قرده شلر آرسنده کی میراث دعواسنه بکزر ؛ چونكه آنلرك هپسی بنی آدم اولوق حسیدیه کندیلرینی